

Saqqummersitamiittoq titartagaq 4 iluarsineqarpoq 10. agusti 2021.
Titartakkami siullermi Tasiilaq marloriarluni taaneqarpoq aamma Aasiaat
Qeqertarsuarlu ilanngunneqarsimanngillat.

2020-mi innuttaasut ilinniagaqarnerisa nalunaarsuutaat

Saqqummersitami uani innuttaasut ilinniagaqarnerisa kisitsisitigut
paasissutissaat atorlugit innuttaasut ilinniarsimanerisa qaffasissusaat
ilinniarnersalu isikkuat takuneqarsinnaapput.

Kisitsisitigut paasissutissani siullermik nalunaarutigineqartumit innuttaasut
ilinniarsimassusaat qaffasinnerunerat pissutaalluni 2019-imi kisitsisit
iluatsillugit iluarsaanneqarput. Kalaallit Nunaannut siullermeerlutik nuuttut
akornanni ilinniarsimassutsip qaffasissusaa kingullermik saqqummersitami
piviusumit appasinnerusimavoq.

Innuttaasut ilinniarsimanerisa allanngornerisa taamaallaat
piginnaasaqalersitsisumik ilinniagaqarsimanersut ersersinngilaat Kalaallit
Nunaannut nuuttartut aamma Kalaallit Nunaannit nuuttartut
ilinniarsimasaasa qaffasissusaat aamma sunnertarpaat. Innuttaasut
ilinniarsimanerisa qaffasissusaat aamma inuit toqusut ilinniagarisimasaanit
sunnerneqartarput.


Ilinniakkat qaffasissusiisa nalunaarsuutaat nalinginnaasumik innuttaasuni
inuusunnerusuni matussusiinerusarput. Taamaattumik ilinniakkat
qaffasissusaanni qaffariaatip ilaa ilinniakkat naammassineqartut annertuumik
matussusiinerulernerannik peqquteqarsinnaavoq (saqqummersitami
periaatsimut nassuiaat takuuk).

Meeqqat atuarfianit qaffasinnerusunik ilinniagaqarsimaneq

2020-mi innuttaasut 16-it 74-illu akornanni ukiullit 42 pct.-ii meeqqat
atuarfiannit qaffasinnerusumik ilinniagaqarsimapput, ukiut qulit ingerlanerini
9,2 pct.-imik qaffallutik.

Taakkunannga 13,3 pct.-ii ingerlariaqqiffiusumik ilinniakkamik
naammassinissimapput, 28,7 pct.-iilu ilinniarnertuutut,
inuussutissarsiummik ilinniakkamik imaluunniit angusanik qaffassaanermik
ilinniagaqarsimallutik. Ukiullu qulit ingerlanerini 2,7 pct.-inik aamma 5,8
pct.-inik qaffariarsimapput.

Titartagaq 1. 2009-miit 2020-mut innuttaasut qaffasinnerpaamik ilinniarsimasaat



Nassuiaat: Ilinniarnertuunngorniarniluni inuussutissarsiornermilu ilinniarnerni aamma qaffassarluni ilinniarnit ilaapput. 2018-imiit 2020-mut nalunaarsuutit kisitsisaagallartuupput, ilinniakkanik ingerlatsinernut nalunaarsuutit ilaat kingusinaarsinnaasarmata.


Najoqqutaq: Naatsorsueqqissaartarfik – Kisitsisaataasivimmi kisitsisit (<https://bank.stat.gl/UDNISCPROD>).

Arnat akornanni ilinniarsimassuseq qaffasinneruvoq

Arnat amerlassusaat eqqarsaatigalugu meeqqat atuarfiannit qaffasinnerusumik ilinniagaqarsimasut amerlanerupput. 2020-mi arnat 45,3 pct.-ii inuusuttunut ilinniarni imaluunniit ilinniaqqiffinni ilinniarsimapput, angutilli akornanni ilinniarsimasut 39,5 pct.-iusut.

Assigiinngissut annerpaaq ilinniaqqissimasut akornanniippoq. 2020-mi arnat 16,8 pct.-ii ilinniaqqissimasuupput angutit akornanni 10,2 pct.-iusut. Ukiut qulit kingulliit ingerlanerini arnat akornanni ilinniaqqissimasut qaffannerpaausimapput. Ilinniagaqqissimasut akornanni professionsbacheloritut ilinniagaqarsimasut amerlinerpaallutik.

Titartagaq 2. Innuttaasut (16-74-inik ukiullit) meeqqat atuarfianniit qaffasinnerusumik ilinniagaqarsimasut amerlassusaat, suaassuseq aamma ukioq malillugit




Nassuiaat: Inuusuttunut ilinniakkani ilinniarnertuunngorniarnertit, inuusutissarsionermik ilinniarnertit aammalu angusanik qaffassaannerit pineqarput. 2020-mut nalunaarsuutit kisitsisaagallartuupput, ilinniakkanik ingerlatsinernut nalunaarsuutit ilaat kingusinaarsinnaasarmata.

Najoqqutaq: Naatsorsueqqissaartarfik – Kisitsisaataasivimmi kisitsisit (<https://bank.stat.gl/UDNISCPRG>).

35-nit 39-nut ukiullit akornanni meeqqat atuarfianniit qaffasinnerusumik ilinniagaqarsimasut amerlanerupput

2020-mi ilinniagaqarsimasut amerlassusaat 40-44-nik ukiullit tungaannut qaffassimavoq, 59 pct.-iullunilu qaffasinnerpaavoq. Innuttaasut utoqqaanerisut akornanni ilinniagaqarsimassutsip qaffasissusaa appariaqqippoq. Ilinniagaqarsimassutsilli qaffasissusaanut nalunaarsuutit innuttaasunut inuusunnerusunut nalinginnaasumik matussusiinerupput.

Titartagaq 3. 2020-mi innuttaasut (16-it 74-illu akornanni ukiullit) qaffasinnerpaatut ilinniakkat naammassisimasaat, ukiut malillugit



Nassuiaat: Inuusuttunut ilinniakkani ilinniarnertuunngorniarnertit, inuusutissarsionermik ilinniarnertit aammalu angusanik qaffassaannerit pineqarput. Nalunaarsuutit kisitsisaagallartuupput, ilinniakkanik ingerlatsinernut nalunaarsuutit ilaat kingusinaarsinnaasarmata.


Najoqqutaq: Naatsorsueqqissaartarfik – Kisitsisaataasivimmi kisitsisit (<https://bank.stat.gl/UDNISCPRG>).

Sumiiffinni assigiinngitsuni ilinniarsimassuseq

Nuup immikkoortuani ilinniarsimassuseq qaffasinnerpaavoq, tassani innuttaasut 57 pct.-ii meeqqat atuarfianniit qaffasinnersumik ilinniagaqarsimapput, nuna tamakkerlugu agguaqatigiissitsinermit innuttaasut 42 pct.-ii meeqqat atuarfianniit qaffasinnerusumik ilinniagaqarsimasut. Qaqortup aamma Sisimiut immikkoortuanni innuttaasut 45 aamma 42 pct.-ii meeqqat atuarfianniit qaffasinnerusumik ilinniagaqarsimallutik nuna tamakkerlugu agguaqatigiissitsinermit qaffasinnerupput.

2020-mi Upernaviup immikkoortuani ilinniarsimassutsip appasinnerpaapput, tassani innuttaasut 18 pct.-ii meeqqat atuarfianniit qaffasinnerusumik ilinniagaqarsimammata.

Titartagaq 4. 2020-mi distriktini innuttaasut (16-it 74-illu akornanni ukiullit) ilinniarsimanerisa qaffasissusaat



Malugiuk: Saqqummersitamiittoq titartagaq 4 iluarsineqarpoq 10. aggusti 2021. Titartakkami siullermi Tasiilaq marloriarluni taaneqarpoq aamma Aasiaat Qeqertarsuarlu ilanngunneqarsimangillat.

Nassuiaat: Inuusuttunut ilinniakkani ilinniarnertuunngorniarnert, inuusuttissarsionermik ilinniarnert aammalu angusanik qaffassaanerit pineqarput. Nalunaarsuutit kisitsisaagallartuupput, ilinniakkanik ingerlatsinernut nalunaarsuutit ilaat kingusinaarsinnaasarmata.

Najoqqutaq: Naatsorsueqqissaartarfik – Kisitsisaataasivimmi kisitsisit (<https://bank.stat.gl/UDNISCPRG>).

Eqikkaaneq

Tabel 1. Innuttaasut (16-it 74-illu akornanni ukiullit) qaffasinnerpaatut ilinniarsimasaat

	2005	2008	2011	2014	2017	2020
Meeqqat atuarfiat	28.473	28.317	27.961	26.821	25.302	24.593
Ilinniarnertuunngorniarneq	1.100	1.205	1.548	1.902	2.181	2.293
Inuussutissarsiornermik ilinniarneq ..	6.223	6.536	7.087	7.555	8.068	8.476
Angusanik qaffassaaneq	1.310	1.287	1.285	1.289	1.348	1.409
Ingerlariaqqiffiusumik ilinniarneq naatsoq	844	861	947	966	1.088	1.239
Bacheloritut ilinniarneq	133	148	195	233	265	330
Professionsbacheloritut ilinniarneq ..	2.018	2.001	2.281	2.340	2.508	2.757
Kandidatitut ilinniarneq	748	795	916	982	1.125	1.240
Phd.	20	28	33	41	54	52

Najoqqutaq: Naatsorsueqqissaartarfik – Kisitsisaataasivimmi kisitsisit (<https://bank.stat.gl/UDNISCPROD>).

Periaaseq

Siunertaq

Innuttaasut ilinniagaqarnerisa kisitsisitigut paasissutissaat atorlugit innuttaasut ilinniarsimanerisa qaffasissusaat ilinniarnersalu isikkuat malinnaavigineqarsinnaapput. Innuttaasut ilinniarsimanerisa allanngornerisa taamaallaat piginnaasaqalersitsisumik ilinniagaqarsimangersut ersersinngilaat Kalaallit Nunaannut nuuttartut aamma Kalaallit Nunaannit nuuttartut ilinniarsimasaasa qaffasissusaat aamma sunnertarpaat. Innuttaasut ilinniarsimanerisa qaffasissusaat aamma toqusut ilinniagarisimasaannit sunnerneqartarput.

2018-imi kisitsisitigut paasissutissat allanngorput, innuttaasut 16-74-inik ukiullit kisimik tabelini kisinneqarmata. Innuttaasullu ilinniagaqarsimassusaat nunanut tamalaanut sanilliunnissaa taamaasilluni ajornannginnerulerpoq. Taassuma saniatigut ilinniagaqarnersiuteqartitsiviup ilinniartunut nalunaarsuisarfianit Kalaallit Nunaanni ilinniaqqittunut, politiinngornianut inissiisarfimmilu paarsisunngornianut nalunaarsuutit nutaat ilanngunneqarput. 2019-imi inissiisarfimmi paarsisut nalunaarsuuteqangillat. Ukiunili kingullerni pingasuni inissiisarfimmi nakkutilliisutut ilinniakkamik naammassinnissimasut nutaat 4-rit 12-illu akornanni amerlassuseqarput.

Nalunaarsuutit tunngaviusut

Kisitsisitigut paasissutissat nalunaarsuutit ataani taaneqartut tunngavigalugit suliarineqarput:

- Ilinniagaqarnersiuteqartitsiviup (USF) nalunaarsuisarfiani ilinniakkanik naammassinnissimasut nalunaarsuutaat

- Danmarks Statistik-ip nalunaarsuisarfiani qallunaat ilinniarfiini qaffasinnerpaamik ilinniakkamik naammassinnissimanerit nalunaarsuutaat
- 2017-imit 2019-imut politiinngorniarfimmi Nuummiittumi politiitut ilinniarsimasut nalunaarsuutaat
- 2016-imiit 2018-imut Nuummi inissiisarfimmi paarsisutut ilinniarsimasut nalunaarsuutaat.
- 2010- PhD-mik ilinniakkamik naammassinnissimasut pillugit Ilisimatusarfimmit nalunaarsuutit
- 2010-p tungaanut Kalaallit Nunaanni ilinniakkanut nalunaarsuutit, USF-i avaqqullugu Naatsorsueqqissaartarfimmit aaneqartut

Ilinniagaqarnersiuteqartitsiviup (USF) ilinniartunut nalunaarsuisarfiani ilinniakkat ilinniagaqarnersiuteqarfusinnaasut kisimik nalunaarsuuteqarput.

Ukiut tamaasa Naatsorsueqqissaartarfik Danmarks Statistik-imit qallunaat ilinniarfiini innuttaasut qaffasinnerpaamik ilinniagarisimasaannut nalunaarsuutiniq pisarpoq. Nalunaarsuutiniq malittarisassaq ISCED2011 atornerpoq. Ilinniakkat naammassineqarsimasut Danmarks Statistik-ip ukiut tamaasa oktobarip aallaqqaataani naatsorsortarpai.

Kalaallit Nunaanni ilisimatuunngorniarnert, qallunaat Naalagaaffiata Kalaallit Nunaanni ilinniakkat ingerlatai (politiinngorniarneq inissiisarfimmilu paarsisunngorniarneq) aammalu suliffeqarfiit namminneq ilinniakkat neqeroorutaat USF-ip ilinniartunut nalunaarsuisarfiani ilaangillat. 2018-imi naatsorsuinermi 2016-imiit qummut inissiisarfimmi paarsisutut ilinniarsimasut aamma 2017-imiit qummut politiinngorniarlutik ilinniarsimasut nalunaarsuutaat katersorneqarlutik nalunaarsuutini tunngaviusuni ilanngunneqarput.

Siornatigut Naatsorsueqqissaartarfik Kalaallit Nunaanni ilinniakkanut “Non-USF”-iusumik nalunaarsuisarfimmut nalunaarutiniq suliffeqarfimmit pisarpoq. Nalunaarsuisarfik tamakkiisuunngilaq, 2010-ili tungaanut nalunaarsuutiniq imaqarpoq innuttaasut ilinniagaqarsimassusaannut kisitsisitigut paasissutissani ilanngunneqartunik. Ilinniakkat pineqartut massakkullu ilinniakkat akornanni ilaangitsut tassaapput Air Greenland-imi timmisartumi saqisunngorniarneq, assartugalerisunngorniarneq aammalu Mittarfeqarfinni AFIS-operatørinngorniarneq isumannaallisaanermilu sulisunngorniarneq. AFIS-operatøritullu ilinniarneq kisimi Ilinniartitaanermut Naalakkersuisoqarfimmit akuerisaavoq.

Periaaseq

Ilinniartunut nalunaarsuisarfimmi nalunaarsuutit ukiut tamaasa ukiunut pingasunut kingumut uterlugu ilinniakkamillu naammassinniffik ulloq malillugu, aqqissuuteqqinneqartarput. Tamanna siunissami ilinniartitaanermut kisitsisitigut paasissutissat saqqummersinneqartarput

assigiissaarnerulernissaat anguniarlugu kingusinaartumillu nalunaarsuinerni allannguinerit eqqarsaatigalugit, pisarpoq.

Ilinniagaqarsimanermut paasissutissat Kalaallillu Nunaanni inunnut nalunaarsuisarfiup ataatsimut ingerlatinnerini Naatsorsueqqissaartarfimmi innuttaasut ilinniagaqarsimassusaat sularineqarsinnaalerpoq. Innuttaasunut nalunaarsuisarfik ukiup tulliani januaarip aallaqqaataani naatsorsorneqartarpoq, innuttaasullu qaffasinnerpaamik ilinniakkat naammassisimasaat oktobarip aallaqqaataani naatsorsorneqartarlutik.

Innuttaasut minnerpaamik 16-inik ukiullit tamarmik, Naatsorsueqqissaartarfik ilinniagaqarsimanermut paasissutissanik peqanngippat, meeqqat atuarfianni 10.klassimik naammassinnissimasutut naatsorsuutigineqarput.

Ilinniakkat qaffasissusaat International Standard Classification of Education 2011-meersoq malillugu immikkoortiterneqarput. Naatsorsueqqissaartarfiup ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinnermi, ilinniakkat suut pineqarnersut takuneqarsinnaapput. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa. Taaguutit takussutissiarlu www.stat.gl-imi ilinniartitaanermut tunngasut ataanni nassaarineqarsinnaavoq. Saqqummersitami kingullerpaami Periaatsimut immikkoortoq takuuk.

Naatsorsuineq

Innuttaasut ilinniagaqarsimassusaannut kisitsisaataasivimmi tabelit ilinniakkap qaffasissusaanut, kommuninut, sumiiffinnut, suaassutsinut aammalu ukiunut agguanneqarput. Taassumalu saniatigut najugaqarfinnut, ilinniagaqarfinnut aammalu nuna inunngorfik malillugu immikkoortiterneqarlutik.

Killiliinerit erseqqissagassallu

USF-imi ilinniartunut nalunaarsuisarneq 1980-ikkut aallartinneranni nalunaarsuutit atorlugit 1987-imi aallartippoq, ukiunili siuliini ilinniakkanik ataasiakkaanik aamma imaqarluni. Taamaattumik piginnaasaqalersitsisumik ilinniarsimasut 1970-ikkullu aallartinnerat sioqqullugu inunngorsimasut paasissutissaat naammattuaannanngillat. Innuttaasullu utoqqaanerusut akornanni kisitsisitigut paasissutissat ikinaagaanerrannik isumaqarpoq.

Taamatuttaaq nunani allani innuttaassusillit Kalaallillu Nunaanni/Danmarkimi ilinniagaqarsimanngitsut imaluunniit Danmarkimi najugaqarsimasut assersuutigalugulu ilinniakkaminnik Styrelsen for Forskning og Uddannelse-mi akueritissimasut paasissutissaqarfigineqanngillat. 2019-imi innuttaasut 16-it 74-illu akornanni ukiullit 2,7 pct.-ii nunani allani innuttaassuseqarput saniatigullu Kalaallit Nunaanni inunngortuunatik ilinniagaqarsimassusaallu nalunaarsorsimanani.

Erseqqissaatigineqarpoq pineqartut malillugit kisitsisitigut paasissutissat nalilersorneqarnissaat.

Ilisarnaatinut nassuiaatit
... Paasissutissat pigineqanngillat
.. Paasissutissat tatiginanngitsut ilisarinnilersitsinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffissaq
Jonathan Marin
E-mail: joma@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl

